



**JUDICIAL SYSTEM MONITORING PROGRAMME**  
**PROGRAMA DE MONITORIZAÇÃO DO SISTEMA JUDICIAL**

*Komunikadu Imprensa*

**08 Outubru 2012**

**Arguidu ba kazu tentativa abuzu seksuál hasoru menór hetan pena tinan 10  
iha prizaun**

Iha 3 Outubru 2012 Tibunál Distritál Suai kondena arguidu ne'ebé komite krime tentativa abuzu seksuál ba menór ba tinan 10 iha prizaun. Vítima ba kazu ida ne'e foin mak ho idade tinan 11. Kazu ne'e rejista ho Númeru Prosesu:135/PEN/2012/TDS.

*"JSMP kongratula no apresia desizaun ne'e tanba manisfesta komitmentu estadu nian liu husi tribunál no ajente prosesual sira atu proteje labarik sira husi kualkér forma violénsia,"* dehan Luis de Oliveira Sampaio, Diretor Ezekutivu JSMP.

Tribunál kondena arguidu bázeia ba akuzasaun Ministériu Públiku nian, ne'ebé mak refere ba artigu 24 kona-ba tentativa nia punibilidade konjuga ho artigu 177.2 Kódigu Penál Timor-Leste kona-ba abuzu seksuál ba menór. Krime ne'e ho pena abstratu entre tinan 5 too tinan 15 prizaun.

Mesmu nune'e, Tribunál fó oportunidade ba parte sira atu rekere ba Tribunál Rekursu durante tempu loron 15 hodi halo rekurusu hasoru desizaun ne'e, kuandu parte sira la satisfas ho desizaun tribunál primeíru instânsia.

Audiénsia julgamentu ho kompozisaun kolektivu, maibé iha leitura akórdaun dirije husi Juíz singulár Dr. Costânçio Barros Basmery, Minitériu Públiku repzenta husi Dr. Oscar Silva Tavares no parte defeza Dr. João Henrique de Carvalho husi Eskritóriu Defensória Públiku.

Atu hetan informasaun kle'an, favor kontaktu;

Luis de Oliveira Sampaio

Diretor Ezekutivu JSMP

Telefone: 3323883/7295795